

**REUNIÓN DA COMISIÓN 2ª,
ORDENACIÓN TERRITORIAL, OBRAS
PÚBLICAS, MEDIO AMBIENTE E
SERVIZOS**

Día: 04.07.2018

Hora: 10:30

A Comisión 2ª, Ordenación Territorial, Obras Públicas, Medio Ambiente e Servizos, da que vostede forma parte, reunirase o próximo día 4 de xullo de 2018, ás 10:30 horas, no pazo do Parlamento.

A orde do día é a seguinte :

Punto 1. Preguntas

- 1.1 29277 (10/POC-004689)
Grupo Parlamentario de En Marea
Sánchez García, Antón
Sobre a opinión da Xunta de Galicia respecto da necesidade de denegar a modificación puntual nº 7 do Plan xeral de ordenación municipal do Concello de Curtis, publicada no "Diario Oficial de Galicia" do 27 de marzo de 2018, por non respectar a protección dos solos que teñen aptitude agronómica e prexudicar a sustentabilidade dos sectores agrario e gandeiro
Publicación da iniciativa, BOPG n.º 293, do 18.04.2018
- 1.2 32031 (10/POC-005045)
Grupo Parlamentario de En Marea
Sánchez García, Antón e Cal Ogando, Marcos
Sobre a actuación levada a cabo e as previsións da Xunta de Galicia en relación cos supostos incumprimentos da autorización ambiental integrada pola empresa Tecnosolos Galaicos, S.L., no vertedoiro da canteira de Miramontes, na parroquia de Grixoa, no concello de Santiago de Compostela
Publicación da iniciativa, BOPG n.º 319, do 13.06.2018

Punto 2. Propositions non de lei

- 2.1 30206 (10/PNC-002431)
Grupo Parlamentario do Bloque Nacionalista Galego
Bará Torres, Xosé Luís e 5 máis
Sobre a creación pola Xunta de Galicia dunha mesa de cooperación e coordinación co fin de estudar e promover actuacións conxuntas de dotación de servizos e infraestruturas, mellora da calidade de vida, dinamización socioeconómica, recuperación do patrimonio e promoción da illa de Ons
Publicación da iniciativa, BOPG n.º 301, do 08.05.2018
- 2.2 32100 (10/PNC-002618)

Grupo Parlamentario dos Socialistas de Galicia

Pierres López, María Luisa e 2 máis

Sobre as actuacións que debe levar a cabo o Goberno galego para a aprobación definitiva ou parcial do Plan xeral de ordenación municipal do Concello de Silleda e a delegación na Dirección Xeral de Urbanismo das xestións pendentes para ese fin

Publicación da iniciativa, BOPG n.º 323, do 20.06.2018

2.3

32416 (10/PNC-002648)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as actuacións que debe levar a cabo o Goberno galego en relación co asentamento e actividade industrial de Ence en Lourizán, na ría de Pontevedra

Publicación da iniciativa, BOPG n.º 323, do 20.06.2018

2.4

32426 (10/PNC-002649)

Grupo Parlamentario dos Socialistas de Galicia

Vilán Lorenzo, Patricia e 3 máis

Sobre as actuacións que debe levar a cabo o Goberno galego para acadar o bo estado ecolóxico das augas do río Sar, así como solucionar a depuración e o tratamento de todas as augas residuais urbanas que verten a ese río

Publicación da iniciativa, BOPG n.º 323, do 20.06.2018

Os grupos parlamentarios poderán presentar emendas ás proposicións non de lei ata seis horas antes do inicio da sesión, o abeiro do disposto no artigo 161.2 do Regulamento.

O que lle comunico para o seu coñecemento e a súa convocatoria á devandita reunión.

Santiago de Compostela, 26 de xuño de 2018

Jaime Castiñeira Broz
Presidente da Comisión

Asinado dixitalmente por:

Jaime Castiñeira Broz na data 26/06/2018 13:13:19

RELACIÓN DE MEMBROS DE COMISIÓN 2ª, ORDENACIÓN TERRITORIAL, OBRAS PÚBLICAS, MEDIO AMBIENTE E SERVIZOS

POR ORDE ALFABÉTICA

Mesa

Presidente	
Jaime Castiñeira Broz	P
Vicepresidenta	
Marta Nóvoa Iglesias	P
Secretario	
Antón Sánchez García	EM

Vogais

Xosé Luís Bará Torres	BNG
Marcos Cal Ogando	EM
Raúl Fernández Fernández	S
Martín Fernández Prado	P
Jacobo Moreira Ferro	P
María Luisa Pierres López	S
María Julia Rodríguez Barreira	P
Gonzalo Trenor López	P
Daniel Luís Varela Suanzes-Carpegna	P

Reunión da Comisión 2ª, Ordenación Territorial, Obras Públicas,
Medio Ambiente e Servizos

Día: 04.07.2018 Hora: 10:30

Orde do día

1. Preguntas

**Reunión da Comisión 2ª, Ordenación Territorial, Obras Públicas,
Medio Ambiente e Servizos**

Día: 04.07.2018 Hora: 10:30

Orde do día

1.1 29277(10/POC-004689)

Grupo Parlamentario de En Marea

Sánchez García, Antón

Sobre a opinión da Xunta de Galicia respecto da necesidade de denegar a modificación puntual nº 7 do Plan xeral de ordenación municipal do Concello de Curtis, publicada no "Diario Oficial de Galicia" do 27 de marzo de 2018, por non respectar a protección dos solos que teñen aptitude agronómica e prexudicar a sustentabilidade dos sectores agrario e gandeiro

Publicación da iniciativa, 293, 18.04.2018



Á MESA DO PARLAMENTO

Antón Sánchez García, deputado pertencente ao **Grupo Parlamentario de En Marea**, ao abeiro do disposto no artigo 156 do Regulamento da Cámara, presenta a seguinte **Pregunta**, para a súa resposta oral na **Comisión 2.^a**.

A mediados de febreiro, a Xunta de Galicia autorizou a creación dunha planta de biomasa en Curtis que se espera que estea operativa en abril de 2020. A instalación tería unha potencia de 49 MW e xeraría 375,7GWh anuais, segundo os datos do propio Goberno, o que a convertería na planta de biomasa máis grande do noso territorio. O seu custe, 113 millóns de euros, correría a cargo de Greenalia, unha empresa que comezou a súa andadura no sector forestal e que agora traballa tamén no sector enerxético.

Acerca disto, o Instituto Enerxético de Galicia (INEGA) xa advertiu que a planta de biomasa precisaría de grandes cultivos enerxéticos formados, principalmente, por especies alóctonas, como o eucalipto, e por especies invasoras como a mimosa, a acacia de madeira negra ou a falsa acacia. Tales cultivos terían que ser traballados recorrendo a grandes cantidades de abonos, auga e pesticidas, o que, xunto cos ciclos de corta reducidos de tres ou catro anos, remataría por estragar o chan e eliminar a súa fertilidade.

Precisamente en base á futura necesidade de materia prima, o alcalde xustificou a necesidade de aprobar unha modificación puntual no PXOM de Curtis, e así, o 16 de marzo do presente ano, o pleno da Corporación de Curtis aprobou dita modificación puntual, mudando as categorías de solo rústico presentes no plan xeral de ordenación municipal.



Dita modificación elimina todo o solo rústico de especial protección agropecuaria, para favorecer o cambio de uso de moitos deses solos que pasarán a ser solo rústico de protección ordinaria.

Isto sucede nun concello e nunha comarca cunha presenza importante do sector lácteo, e cunhas explotacións que precisan, moitas delas, incrementar a súa base territorial.

Os solos con aptitude agronómica deben de ser un valor a conservar nun país onde xa 2 de cada 3 has é superficie forestal e onde o sector gandeiro ten que camiñar cara un modelo de alimentación menos dependente da importación de piensos.

Por todo o exposto, o Grupo Parlamentario de En Marea presenta a seguinte Pregunta para a súa resposta oral na Comisión 2.^a

Considera, ante o exposto, que a Xunta de Galicia debe denegar a Modificación Puntual Nº 7 do PXOM do Concello de Curtis publicada no DOGA de 27 de marzo de 2018,

https://www.xunta.gal/dog/Publicados/2018/20180327/AnuncioL132-210318-0002_es.html, por non respectar a protección de aqueles solos que teñen aptitude agronómica, e por prexudicar a sostenibilidade do sector gandeiro e agrario?

Santiago de Compostela, 11 de abril de 2018.

Asdo.: Antón Sánchez García
Deputado do G.P. de En Marea.



PARLAMENTO DE GALICIA
REGISTRO XERAL ENTRADA
Data asento: 12/04/2018 09:30
Nº Registro: 29277
Data envío: 11/04/2018 19:34:44.273

Asinado dixitalmente por:

Antón Sánchez García na data 11/04/2018 19:25:28

Reunión da Comisión 2ª, Ordenación Territorial, Obras Públicas,
Medio Ambiente e Servizos

Día: 04.07.2018 Hora: 10:30

Orde do día

1.2 32031(10/POC-005045)

Grupo Parlamentario de En Marea

Sánchez García, Antón e Cal Ogando, Marcos

Sobre a actuación levada a cabo e as previsións da Xunta de Galicia en relación cos supostos incumprimentos da autorización ambiental integrada pola empresa Tecnosolos Galaicos, S.L., no vertedoiro da canteira de Miramontes, na parroquia de Grixoa, no concello de Santiago de Compostela

Publicación da iniciativa, 319, 13.06.2018

Á MESA DO PARLAMENTO

Antón Sánchez García e Marcos Cal Ogando, deputados do Grupo Parlamentar de **En Marea**, ao abeiro do disposto no artigo 156 do Regulamento da Cámara, presentan a seguinte **Pregunta para a súa resposta oral na Comisión 2.ª**.

A empresa Tecnosolos Galaicos S. L. desempeñou ata agora a súa actividade na canteira de Miramontes, Grixoa (Santiago de Compostela), elaborando tecnosolos (solos artificiais feitos a partir de residuos) que se destinan na súa maioría á recuperación do solo degradado pola actividade de extracción de áridos na propia canteira.

Tecnosolos Galaicos debe presentar un informe semestral de actividade. No informe do 1º semestre de 2016 a empresa manifesta, no punto 1 –“Relación de entrada de residuos”– que entre o 1 de xaneiro e o 30 de xuño de 2016, recibíronse na instalación 16.039,275 toneladas de residuos, das que se empregaron para a elaboración de tecnosolos 13.229,035 toneladas. No punto 3 –“Destino del tecnosol producido”– dise textualmente: “Hasta la fecha todo el tecnosol producido se encuentra almacenado en espera de su aplicación en las zonas a regenerar dentro de la cantera”.

A afirmación citada non encaixa co feito de que nos proxectos da planta de elaboración de tecnosolos non se contempla ningunha zona de almacenamento, salvo a zona de maduración que ten unha capacidade máxima de 900 toneladas. De feito o proxecto de explotación describe que, tras a maduración, os tecnosolos son transportados directamente á zona de aplicación. Pero a realidade é ben distinta. Os tecnosolos foron almacenados no exterior, preto da planta de



elaboración, nun acopio de varios metros de altitude, creando unha parede artificial no extremo sur da canteira.

No informe semestral de actividade do 1º semestre de 2017, dise que o material elaborado que estaba almacenado durante o 2016 aplicouse na canteira entre os meses de outubro e novembro, mentres a meteoroloxía o permitiu. Segundo o informe, o material producido entre decembro de 2016 e xuño de 2017 almacenouse preto da planta de produción, para ser aplicado entre os meses de xullo e outubro do 2017.

Atendendo á normativa ITR/01/08 –instrución técnica de residuos para a elaboración de solos artificiais– e segundo o recollido nas condicións da resolución 05/10/2016, o tecnosolo deberá achegarse en épocas do ano en que non se produza unha saturación hídrica do terreo. Aparentemente, para cumprir con esta condición, Tecnosolos Galaicos opta por unha solución moito peor que é almacenalos no extremo da canteira, no borde da montaña, nun lugar non impermeabilizado, expostos á auga de choiva, xerando lixiviados directamente cara o exterior da canteira. O problema agrávese tendo en conta que, segundo demostraron as inspeccións, o produto elaborado nin sequera cumpría as condicións para ser considerado tecnosolo e que, ademais, almacenábase sen madurar.

Non se entende, por tanto, por que non contando a empresa cun lugar impermeabilizado e cuberto (para evitar a contaminación por lixiviados) onde almacenar o tecnosolo elaborado, se lle permite empezar a actividade moitos meses antes de que lle fose outorgada a autorización para a aplicación do tecnosolo na canteira (o día 05/10/2016) e como, tendo coñecemento dos almacenamentos a través dos informes semestrais de actividade, non se lle insta a parar a produción ata darlle saída aos acopios. Os lixiviados xerados por esta



acumulación están provocando, aínda na actualidade, vertidos cara as leiras dos veciños que desembocan no regato do Gatofero. Recentemente descubriuse ademais unha posible afección á fonte da que se abastecen os veciños de Miramontes.

Tampouco se comprende o temerario déficit de control da empresa. Nas actas de inspección non figura ningún control de augas subterráneas, que debería realizarse tendo en conta:

- As acumulacións de residuos que lixivian cara a ladeira da montaña mediante unha gabia escavada no terreo.
- A existencia de 3 fontes no contorno próximo dos espazos de aplicación dos tecnosolos.
- Que a ITR/01/08 contempla a posibilidade do control de augas subterráneas no caso de aplicarse tecnosolos a superficies de máis de 1 ha, como é o caso da canteira de Miramontes.
- Que as zonas de aplicación de “supostos tecnosolos” están próximas (200-400 metros) a espazos sensibles (curso fluvial, terreos agrícolas e vivendas).

Atendendo ás analíticas que os inspectores ambientais da propia Xunta realizaron ás mostras recollidas, bótase en falla, ademais, a comprobación de diversas condicións que deben cumprir os tecnosolos conforme á instrución técnica de residuos ITR/01/08 relativa á elaboración de solos artificiais. Falla:

- A verificación dos niveis máximos de microorganismos patóxenos Salmonella e Escherichia coli.
- O ensaio de toxicidade aguda en miñocas conforme ao test OCDE 207.



- O ensaio de emerxencia e crecemento de sementes de plantas terrestres conforme ao test OCDE208.

Nas conclusións da acta de inspección do vertedoiro do 19 de novembro advírtese tamén de que:

- Non se realizan caracterizacións básicas nin probas de conformidade dos residuos que entran no vertedoiro con maior carga orgánica.
- Non se fai un control visual do contido dos residuos antes da descarga do camión no vertedoiro.
- As analíticas do contido de carbono orgánico disolto (COD) en tres mostras arroxaron resultados incompatibles coa normativa vixente.
- A xestión no rexeitamento de residuos é deficiente.
- Nas observación macroscópicas observáronse residuos que non deben entrar no vertedoiro e non están reflexados no libro de incidencias.

Pero o máis grave na xestión do vertedoiro é que, paulatinamente, se está modificando o seu uso de facto para transformalo nun vertedoiro de residuos domésticos que chegan como rexeites doutras plantas.

No proxecto construtivo do vertedoiro, no punto 13 “Protección de la calidad del aire y seguridad en el vaso de vertido. Producción y tratamiento de gases”, estímase que a porcentaxe de materia orgánica recibida no vaso de vertedura sexa aproximadamente, en composición real do 5% , aínda que, nunha posición conservadora partiuse dunha porcentaxe máxima en peso do 10%. Tal e como se reflicte no Protocolo de Admisión controlárase a porcentaxe de materia orgánica por medio das análises que se realizarán aos residuos de entrada. Segundo se describe neste mesmo apartado:



“En el caso concreto del vaso de EYREGA, partiendo de que se prohíbe el vertido de residuos líquidos, que se controlará la presencia de agua en el residuo y que se garantizará el control de presencia de materia orgánica a través de las pruebas de conformidad iniciales del residuo cabe esperar una producción de gas muy reducida en la realidad, tanto por ausencia de insumo a la reacción (bajo % en peso de materia orgánica) como por restricción en la presencia de agua en el residuo (materiales, en general de baja higroscopicidad).”

Pero a realidade é que non se están cumprindo estas condicións sinaladas no proxecto do vertedoiro. Por unha banda, a entrada de líquidos e auga no vaso é superior ao inicialmente previsto. Por outra, as inspeccións confirman que a porcentaxe de materia orgánica que se está admitindo no vertedoiro é moi superior ao 10% estimado no proxecto aprobado.

As consecuencias do desleixo na xestión do vertedoiro falan por si mesmos da ameaza que o lugar supón para a contorna e para a saúde. A auga da choiva que escorrega ou filtra a través do amoreamento dos lodos da ría de Noia e o amoreamento dos “supostos tecnosolos” é vertida directamente ao solo, sen ser tratada, por medio dunha gabia escavada sobre o terreo. A situación sigue sen arranxarse 10 meses despois da primeira acta onde se detectan os vertidos cara a ladeira sur da montaña.

O asunto é tan grave que ata a Directora Xeral de Calidade Ambiental e Cambio Climático tivo que recoñecer na Comisión de Medio Ambiente do 22 de marzo do presente ano que, efectivamente, a situación do vertedoiro non é adecuada pola proximidade ás casas da veciñanza.



Por todo o exposto, os deputados asinantes presentan as seguintes preguntas para a súa resposta oral en Comisión.

- Por que se permitiu que a empresa comezara a actividade de fabricación de tecnosolos destinados á recuperación da canteira no ano 2015 cando a autorización para a súa aplicación na canteira non se outorgou ata o 05/10/2016?
- Por que se permitiu esta práctica de amoreamento de tecnosolos fóra da planta, sobre o terreo e expostos á choiva?
- Fíxose algún control das augas subterráneas e das fontes próximas á canteira? Teñen pensado facer análises periódicas das augas subterráneas e das fontes?
- Fixo a Xunta análíticas de microorganismos patóxenos nos tecnosolos?
- Non está xustificada unha investigación profunda coa realización de catas en distintos puntos do vaso para comprobar o tipo de residuos que estiveron entrando?
- Por que case un ano despois de detectar, na inspección iniciada pola denuncia dos veciños, o acopio de supostos tecnosolos e a acumulación dos lodos da ría de Noia directamente sobre o terreo non se retiraron estes residuos contaminantes? Tomouse algunha medida, aparte do peche cauteloso da planta de elaboración de tecnosolos, para evitar a contaminación?
- Está autorizada algunha modificación do proxecto de Tecnosolos Galaicos SL para a construción dunhas balsas de lixiviados non contempladas nos proxectos aprobados inicialmente nas autorizacións da empresa?
- Pode entón garantir a Dirección Xeral de Calidade Ambiental e Cambio Climático que non se vai autorizar a ampliación do vertedoiro ao outro oco da canteira nin ningunha outra actividade de xestión de residuos nesta?



- Que medidas vai tomar o vertedoiro para reducir os cheiros que se están a producir e que se intensificaron nos últimos meses e para controlar os gases tóxicos que emanan das chemineas, e cal é o prazo que ten para executar estas medidas?
- Como se pensa paliar os efectos da alta carga de materia orgánica que estivo entrando neste vertedoiro de residuos non biodegradables? Ten pensado a Xunta facer algunha medición da calidade do aire no entorno da canteira?
- Asumir un cambio no proxecto do vertedoiro para permitir unha entrada de materia orgánica moi superior ao inicialmente prevista non requiriría isto dunha modificación substancial da Autorización Ambiental Integrada do vertedoiro?
- Por que, á vista dos resultados das inspeccións ao vertedoiro, onde se detectan incumprimentos importantes da Autorización Ambiental Integrada, incluído un cambio de tipoloxía do vertedoiro que está a provocar graves problemas de cheiros que afectan profundamente á calidade de vida dos veciños, non se considerou a apertura de ningún expediente sancionador?

Santiago de Compostela, 7 de xuño de 2018.

Asdo.: Antón Sánchez García

Marcos Cal Ogando

Deputados do G.P. de En Marea.



PARLAMENTO DE GALICIA
REGISTRO XERAL ENTRADA
Data asento: 07/06/2018 16:30
Nº Rexistro: 32031
Data envío: 07/06/2018 14:10:15.217

Asinado dixitalmente por:

Antón Sánchez García na data 07/06/2018 13:57:53

Marcos Cal Ogando na data 07/06/2018 13:58:09

Reunión da Comisión 2ª, Ordenación Territorial, Obras Públicas,
Medio Ambiente e Servizos

Día: 04.07.2018 Hora: 10:30

Orde do día

2. Proposicións non de lei

Reunión da Comisión 2ª, Ordenación Territorial, Obras Públicas,
Medio Ambiente e Servizos

Día: 04.07.2018 Hora: 10:30

Orde do día

2.1 30206(10/PNC-002431)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre a creación pola Xunta de Galicia dunha mesa de cooperación e coordinación co fin de estudar e promover actuacións conxuntas de dotación de servizos e infraestruturas, mellora da calidade de vida, dinamización socioeconómica, recuperación do patrimonio e promoción da illa de Ons

Publicación da iniciativa, 301, 08.05.2018



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 30/04/2018 11:35
Nº Rexistro: 30206
Data envío: 30/04/2018 11:35:32.701

Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Luis Bará Torres, Montserrat Prado Cores, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Comisión**.

EXPOSICIÓN DE MOTIVOS

A comisión segunda do parlamento galego, na sesión do 15 de febreiro de 2017, adoptou o seguinte acordo unánime:

“O Parlamento de Galicia insta á Xunta de Galicia a promover a declaración como Área de Rehabilitación Integral da Illa de Ons co obxecto de facilitar as actuacións de rehabilitación das vivendas existentes na illa”.

En resposta parlamentaria na comisión de medio ambiente e mobilidade do 19 de abril de 2018, o director do IGVS anunciou que non se estaba a tramitar un ARI específico para Ons senón que se estaba traballando nun ARI para o conxunto das Illas Atlánticas. En canto aos prazos, informou que a aprobación desta figura de rehabilitación integral estaba supeditada á tramitación e aprobación do Plan Reitor de Uso e Xestión do parque nacional das Illas Atlánticas.

Se ben a rehabilitación das construcións é unha iniciativa positiva para a illa de Ons, a xuízo do BNG cómpre ir máis alá e iniciar unha etapa de coordinación e

cooperación institucional para estudar e desenvolver un conxunto de iniciativas relacionadas coa dotación de infraestruturas e servizos (melloras nos servizos de abastecemento de auga, enerxía eléctrica, atención sanitaria ou saneamento), a dinamización socioeconómica, a recuperación do patrimonio ou a promoción dos valores culturais e ambientais.

Esta vía de cooperación debe concretarse nun foro ou mesa de diálogo, información e coordinación entre todas as partes relacionadas con este espazo singular: a Xunta de Galiza, o concello de Bueu, a Patronato do Parque das Illas Atlánticas e a veciñanza de Ons.

Polo anteriormente exposto, o Grupo Parlamentar do BNG presenta a seguinte proposición non de lei para debate en comisión:

“O parlamento de Galiza insta ao Goberno galego a

1. Crear unha mesa de cooperación e coordinación –a Mesa por Ons- co obxectivo de estudar e promover actuacións conxuntas de dotación de servizos e infraestruturas, mellora da calidade de vida, dinamización socioeconómica, recuperación do patrimonio e promoción da Illa de Ons.

2. Esta mesa estará constituída pola Xunta de Galiza (consellarías de Infraestruturas e Vivenda, Medio Ambiente e Ordenación do Territorio, e a Axencia de Turismo), concello de Bueu, Patronato do parque nacional da Illas Atlánticas, e representación veciñal.



BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 30/04/2018 11:35
Nº Rexistro: 30206

Data envío: 30/04/2018 11:35:32.701

3. A Mesa por Ons deberá constituírse no primeiro semestre e aprobar un plan de traballo no segundo semestre de 2018.”

Santiago de Compostela, 30 de abril de 2018

Asdo.: **Luis Bará Torres**

Montserrat Prado Cores

Noa Presas Bergantiños

Olalla Rodil Fernández

Xosé Luis Rivas Cruz

Deputadas e deputados do G.P. do BNG

Ana Pontón Mondelo

Portavoz do G.P. do BNG

Asinado dixitalmente por:

Xosé Luis Bará Torres na data 30/04/2018 11:35:07

María Montserrat Prado Cores na data 30/04/2018 11:35:13

Ana Pontón Mondelo na data 30/04/2018 11:35:14



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 30/04/2018 11:35
Nº Rexistro: 30206
Data envío: 30/04/2018 11:35:32.701

Xose Luis Rivas Cruz na data 30/04/2018 11:35:16

Olalla Rodil Fernández na data 30/04/2018 11:35:17

Noa Presas Bergantiños na data 30/04/2018 11:35:18

Reunión da Comisión 2ª, Ordenación Territorial, Obras Públicas,
Medio Ambiente e Servizos

Día: 04.07.2018 Hora: 10:30

Orde do día

2.2 32100(10/PNC-002618)

Grupo Parlamentario dos Socialistas de Galicia

Pierres López, María Luisa e 2 máis

Sobre as actuacións que debe levar a cabo o Goberno galego para a aprobación definitiva ou parcial do Plan xeral de ordenación municipal do Concello de Silleda e a delegación na Dirección Xeral de Urbanismo das xestións pendentes para ese fin

Publicación da iniciativa, 323, 20.06.2018



Á Mesa do Parlamento

O **Grupo Parlamentario dos Socialistas de Galicia**, por iniciativa das súas deputadas e do seu deputado **María Luisa Pierres López, Raúl Fernández Fernández e Patricia Vilán Lorenzo**, a través do seu portavoz, e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Comisión 2.^a, Ordenación Territorial, Obras Públicas, Medio Ambiente e Servizos**.

Exposición de motivos

É ben sabido que a tramitación dos plans urbanísticos municipais son tramites que poden demorarse anos. Incluso máis dunha década.

Un deses exemplos é o Plan Xeral de Ordenación Municipal que se está a tramitar no Concello de Silleda, que comezou a súa andadura no ano 2007.

Un PXOM que é vital para reverter esa situación que impide, desde fai xa 16 anos, a construción de novas vivendas no rural. Un rural que representa 167 dos 169 quilómetros cadrados.

Un documento que acadou a súa aprobación inicial en decembro do 2012, con exposición pública do 17 de xaneiro ó 18 de marzo de 2013, e recibindo 783 alegacións.

Finalmente acadou a súa aprobación provisional o 18 de marzo de 2016.

E o que parecía xa o final dun longo camiño, nunha fase puramente administrativa ata acadar a aprobación definitiva, tense tornado nunha situación que parece atopar todos os inconvenientes para continuar retrasando e alongado aínda máis a súa consecución.

O último informe que precisa o Concello de Silleda para acadar o informe positivo e, polo tanto, a aprobación definitiva por parte da Xunta de Galicia, corresponde a Augas de Galicia.



 Grupo Parlamentario

Partido dos
Socialistas
de Galicia

Un organismo que solicita ó concello, por primeira vez en xuño do 2017 e 14 meses despois da aprobación inicial do mesmo, a demostración e xustificación dos suficientes recursos hídricos que dean cobertura ó plan, a raíz do novo criterio xurisprudencial fixado polo Tribunal Superior tras as sentenzas nos concellos de Verín e Monterrei.

O Concello ten presentado toda a documentación que fai referencia ás captacións /rede subministro de Bandeira e Silleda, que datan do ano 1959, traídas principais do concello.

Augas de Galicia ten informado negativamente sobre a documentación presentada e que demostra a antigüidade e concesións administrativas desde o ano 1959. Desde ese informe ten ignorado as alegacións e documentación aportada polo Concello sobre a legalización das traídas, tramitadas no seu día polos ministerios competentes, Deputación e a propia Xunta de Galicia, no caso de Bandeira.

Esta resposta negativa de Augas de Galicia, e o pouco interese amosado en activar solucións e ter en conta o peso inequívoco das documentacións presentadas así como das argumentacións, conleva e obrigan a uns trámites que implican unha nova demora que pode alongarse dous anos máis, tan só para conquistar a demandada legalización mediante rexistro das captacións.

Isto supón que nese tempo, de entrar novas modificacións legais , é moi probable ter que volver a realizar algún dos informes sectoriais que xa se teñen presentado e aprobado. Unha historia interminable, que padece este concello, pero que ten afectado a moitos outros na provincia, e en toda Galicia.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a:



 Grupo Parlamentario

Partido dos
Socialistas
de Galicia

1. Requirir á Dirección Xeral de Ordenación do Territorio a súa mediación cos organismos involucrados na tramitación do PXOM do Concello de Silleda, que permitan atopar solucións de cara á inmediata aprobación definitiva do mesmo, ou n caso a considerar a posible aprobación parcial.
2. Impulsar unha reunión no prazo máximo dun mes entre a Consellería de Medio Ambiente e Ordenación do Territorio e representantes políticos e técnicos do Concello de Silleda co obxecto de atender a petición de delegar na Dirección Xeral de Urbanismo as xestións pendentes para a aprobación definitiva.

Pazo do Parlamento, 6 de xuño de 2018

Asdo.: María Luisa Pierres López
Raúl Fernández Fernández
Patricia Vilán Lorenzo
Deputadas e deputado do G.P. dos Socialistas de Galicia

Asdo.: Xoaquín Fernández Leiceaga
Portavoz do G.P. dos Socialistas de Galicia

Asinado dixitalmente por:

María Luisa Pierres López na data 08/06/2018 12:41:47

Raúl Fernández Fernández na data 08/06/2018 12:41:52

Patricia Vilán Lorenzo na data 08/06/2018 12:41:56

Xoaquín María Fernández Leiceaga na data 08/06/2018 12:42:02

Reunión da Comisión 2ª, Ordenación Territorial, Obras Públicas,
Medio Ambiente e Servizos

Día: 04.07.2018 Hora: 10:30

Orde do día

2.3 32416(10/PNC-002648)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as actuacións que debe levar a cabo o Goberno galego en
relación co asentamento e actividade industrial de Ence en
Lourizán, na ría de Pontevedra

Publicación da iniciativa, 323, 20.06.2018



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 14/06/2018 16:30
Nº Rexistro: 32416
Data envío: 14/06/2018 15:28:14.829

Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Luis Bará Torres, Montserrat Prado Cores, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Comisión**.

EXPOSICIÓN DE MOTIVOS

1. O 20 de xaneiro de 2016 o goberno do Estado outorgoulle á empresa ENCE Energía y Celulosa SA prórroga da concesión de ocupación dunha superficie de 373.524 metros cadrados de terreos de dominio público marítimo terrestre con destino a fábrica de celulosa. Esta concesión fíxose por un período de 60 anos .

Esta decisión foi adoptada por un goberno en funcións, que primou a defensa dos intereses privados dunha empresa fronte á defensa do interese xeral, xa que a permanencia da fábrica no actual emprazamento compromete o futuro da ría e o desenvolvemento urbano da cidade de Pontevedra. Estamos ante un escandaloso trato de favor a unha empresa privada, á que se lle regalan máis de 373.000 m2 de terreo público, uns terreos que tiñan data de caducidade no ano 2018. Para máis abundamento na falta de transparencia e garantías democráticas, no consello de administración da empresa ENCE séntanse ex altos cargos do goberno do Estado e da Xunta, concretamente a ex ministra de Medio Ambiente Isabel Tocino e o ex conselleiro de Medio Ambiente da Xunta de Galiza Carlos del Álamo.

2. Ademais das circunstancias sinaladas anteriormente, a prórroga da concesión vai en contra do establecido nas Directrices de Ordenación do Territorio e no Plan de Ordenación do Litoral.

O Consello da Xunta de Galiza aprobou a través das Directrices de Ordenación do Territorio (DOT) e do Plan de Ordenación do Litoral (POL) as determinacións urbanísticas e de ordenación territorial para os terreos de dominio público marítimo terrestre ocupados polo complexo industrial contaminante de ENCE nas marismas de Lourizán.

Estas determinacións prevén expresamente o traslado do complexo fabril no horizonte temporal do 2018.

A Disposición Adicional 3ª.-Ence, do POL establece o seguinte:

“En coordinación co establecido nas DOT, no espazo actualmente ocupado polas instalacións da empresa Ence situadas en Lourizán, na ría de Pontevedra, prevese un ámbito de recualificación sobre a Área de Mellora Ambiental e Paisaxística. O obxecto desta área é o da recuperación do espazo que quedará vacante coa materialización do traslado destas instalacións a outra localización dentro da propia bisbarra de Pontevedra no horizonte do ano 2018.

Dada a importancia que para este ámbito e o seu contorno suporá a citada transformación, considérase necesario regulala mediante esta disposición adicional. En concreto, deberase:

1. Favorecer a conectividade visual e funcional coa costa e os hábitats que nela e o seu contorno se vaian rexenerar e valorizar.

2. A devandita recuperación irá encamiñada á naturalización da área, de tal maneira que se mellore a súa calidade ambiental e escénica, que concluirá coa inclusión destas áreas recuperables desde o punto de vista ecolóxico na Área de Protección Costeira, de tal maneira que se favoreza a integración de parte do ámbito no seu contorno máis natural, procurando, así mesmo, dotalo de conectividade mediante os corredores xa identificados neste documento. En concreto, recuperarase a praia dos Praceres de forma acorde coas características orixinais da praia e as condicións actuais de hidrodinámica e planta do areal.

3. Así mesmo, na zona norte do ámbito poderanse rehabilitar e acondicionar as edificacións destinadas a aqueles usos e actividades necesarios para a xeración de espazos públicos de calidade e cohesión social, ao mesmo tempo que se procura a transición cos espazos principais destinados á rexeneración ambiental e recuperación natural do ámbito anteriormente mencionado.

4. Recuperarase a calidade ambiental e paisaxística, contribuirase a dotar de equipamentos e espazos libres de calidade o agregado urbano no que se insire, evitando parámetros de ocupación e intensidade incompatibles coa capacidade de carga do territorio e os valores ambientais, paisaxísticos e patrimoniais propios do litoral.

O desenvolvemento e consecución destes obxectivos concretaranse mediante a redacción do instrumento de ordenación territorial ou urbanístico máis adecuado, atendendo, en calquera caso, ao interese público e á utilidade social da actuación que deberá abordar conxuntamente as accións de rexeneración, restauración e

reordenación do ámbito de recualificación previsto nos terreos actualmente ocupados”.

3. Actualmente está en curso unha Modificación do Proxecto sectorial de incidencia supramunicipal para o asentamento industrial de Lourizán”, tramitada pola Dirección Xeral de Enerxía e Minas e promovida pola empresa ENCE, ENERGÍA Y CELULOSA SA.

O obxectivo principal desta modificación é a construción dunha planta de biomasa, unha instalación que tería un fortísimo impacto na contorna xa que a planta tería 50 m de altura (equivalente a un edificio de 16 andares e medio) e inclúe unha cheminea de aprox 70 metros de altura.

Ademais do impacto negativo na contorna, a planta terá uns efectos moi negativos no medio rural e nos montes pois vai favorecer a plantación de cultivos enerxéticos mediante especies de crecemento rápido que teñen graves efectos nocivos nos solos, nas reservas de auga e na biodiversidade.

Polo anteriormente exposto, o Grupo Parlamentar do BNG presenta a seguinte proposición non de lei para o debate en comisión:

“O Parlamento galego insta á Xunta de Galiza a

1. Solicitar do goberno do Estado a anulación, antes do 28 de xullo de 2018, da prórroga concedida a ENCE o 20 de xaneiro de 2016 por un período de 60 anos.



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 14/06/2018 16:30
Nº Rexistro: 32416
Data envío: 14/06/2018 15:28:14.829

2. Denegar a aprobación da Modificación do proxecto sectorial de incidencia supramunicipal para o asentamento industrial de Lourizán polo forte impacto na contorna e polas consecuencias negativas para os montes e para a biodiversidade.”

Santiago de Compostela, 14 de xuño de 2018

Asdo.: **Luis Bará Torres**

Montserrat Prado Cores

Noa Presas Bergantiños

Olalla Rodil Fernández

Xosé Luis Rivas Cruz

Deputadas e deputados do G.P. do BNG

Ana Pontón Mondelo

Portavoz do G.P. do BNG

Asinado dixitalmente por:

Xosé Luis Bará Torres na data 14/06/2018 15:22:34

María Montserrat Prado Cores na data 14/06/2018 15:22:39



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 14/06/2018 16:30
Nº Rexistro: 32416
Data envío: 14/06/2018 15:28:14.829

Ana Pontón Mondelo na data 14/06/2018 15:22:40

Xose Luis Rivas Cruz na data 14/06/2018 15:22:41

Olalla Rodil Fernández na data 14/06/2018 15:22:43

Noa Presas Bergantiños na data 14/06/2018 15:22:44

Reunión da Comisión 2ª, Ordenación Territorial, Obras Públicas,
Medio Ambiente e Servizos

Día: 04.07.2018 Hora: 10:30

Orde do día

2.4 32426(10/PNC-002649)

Grupo Parlamentario dos Socialistas de Galicia

Vilán Lorenzo, Patricia e 3 máis

Sobre as actuacións que debe levar a cabo o Goberno galego para acadar o bo estado ecolóxico das augas do río Sar, así como solucionar a depuración e o tratamento de todas as augas residuais urbanas que verten a ese río

Publicación da iniciativa, 323, 20.06.2018



PARLAMENTO DE GALICIA
REXISTRO XERAL ENTRADA
Data asento: 14/06/2018 16:34
Nº Rexistro: 32426
Data envío: 14/06/2018 16:34:35.751



Grupo Parlamentario

Á Mesa do Parlamento

Partido dos
Socialistas
de Galicia

O **Grupo Parlamentario dos Socialistas de Galicia**, por iniciativa das súas deputadas e dos seus deputados **Patricia Vilán Lorenzo, Xoaquín Fernández Leiceaga, Raúl Fernández Fernández e María Luisa Pierres López**, a través do seu portavoz e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Comisión 2.^a, Ordenación Territorial, Obras Públicas, Medio Ambiente e Servizos**.

Exposición de motivos

En Santiago, Ames, Brión, Rois, Padrón, Dodro e Pontecesures saben ben cal é o estado ecolóxico das augas do río Sar, polo seu aspecto e polo seu cheiro. De feito, o Plan Hidrolóxico Galicia-Costa cualificou o estado ecolóxico das augas como “deficiente” por incumprimento dos parámetros de referencia. O mesmo documento marcaba como obxectivo lograr o bo estado ecolóxico das augas para 2015 e fixaba as medidas necesarias para acadalo, basicamente unha nova EDAR en Santiago de Compostela e a ampliación da EDAR de Bertamiráns, mais estas medidas non existen e o resultado é un río absolutamente contaminado.

Pouco é necesario dicir sobre a EDAR de Santiago de Compostela que non se teña dito xa. Sobre a EDAR de Bertamiráns, en 2014 Augas de Galicia iniciaba os trámites do proxecto de ampliación, en xaneiro de 2015 xa había informe de impacto ambiental e a ampliación figuraba para execución no ciclo 2015-2021, cun orzamento de 5,4 millóns de euros. Todo quedou en papel mollado e o Goberno galego nin sequera atende ás demandas do alcalde do Concello de Ames.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a acadar os obxectivos de bo estado ecolóxico das augas do río Sar e dar resposta á depuración e



 Grupo Parlamentario

ao tratamento de todas as augas residuais urbanas que verten ao dito río a través das seguintes medidas:

1. Asinando un convenio de colaboración entre as tres administracións implicadas na nova EDAR de Santiago de Compostela, co fina da súa inmediata posta en marcha.
2. Poñendo en funcionamento a ampliación da EDAR de Bertamiráns, no concello de Ames, antes de que remate o exercicio 2021, presupostando partidas específicas para os exercicios 2019, 2020 e 2021.

Partido dos
Socialistas
de Galicia

Pazo do Parlamento, 13 de xuño de 2018

Asdo.: Patricia Vilán Lorenzo
Raúl Fernández Fernández
María Luisa Pierres López
Deputadas e deputado do G.P. dos Socialistas de Galicia

Asdo.: Xoaquín Fernández Leiceaga
Deputado-portavoz do G.P. dos Socialistas de Galicia

Asinado dixitalmente por:

Patricia Vilán Lorenzo na data 14/06/2018 16:23:47

Raúl Fernández Fernández na data 14/06/2018 16:23:54

María Luisa Pierres López na data 14/06/2018 16:23:58

Xoaquín María Fernández Leiceaga na data 14/06/2018 16:24:03